

CATALOGUS
LECTIONUM
PUBLICARUM
ET
PRIVATARUM

IN
ACADEMIA ROSTOCHIENSI

^A
SINGULIS DNN. PROFESSORIBUS
PER PROXIMUM ÆSTIVUM à FESTO PASCHATOS
AD FESTUM MICHAELIS TRACTANDARUM.



ROSTOCHII,

Typis JOH. WEPPLINGI, SER. PRING. & ACAD. Typogr.
ANNO M, DCC. VIII,

FACULTAS THEOLOGICA:



DJO. FECHTIUS, ut superiori anno in scholis suis eousq; progressus est, quo per corporis sui constitutionem, quippe ingravescente senectute nonnunquam infirmam, ipsi licebat: ita quamprimum lecto liberabitur, publicè inhærebit absolvendæ Indifferentistarum Theologiæ, privatim Examinatorio Collegio, post tot repetitas vices, rogatus à complurimis, denuò operam dabit, ut fundamentis in eò ritè positis ad cætera eò feliciore successu contendere Theologiæ cultores possint. Ut anno præterlapso quinquies pro publicâ cathedrâ disputavit, ita nec posthac deerunt & jam sunt, qui honestissimo hoc certamine Academiæ pariter nostræ & patriæ suæ factos in studiis progressus laudabiliter demonstrabunt.

JOHANNES NICOL. QVISTORPIUS, D. superiori anno in lectionibus publ. ad ductum Agend: Eccles. materiam (1.) de potestate 1. Regimine Ecclesiastico in genere ad usum nostri temporis (2.) In specie de jure Episcopali, (3.) Patronatus, (4) Consistoriorum cum Deo absolvit; nec non Disputationes in A.C. ejusdemq; Apologiam ad finem perduxit.

Favente Deo per instantem annum ad capita de jure Personarum Ecclesiasticarum, ac de Religiosis in papatu sic dictis, eorumq; variis ordinibus in publicis lectionibus ab hora III. in IV. vespertinâ se accinget. Velitationibus privatis bis de hebdomade habendis Articulos Smalcaldicos & Catechismum Majorem Lutheri (ut Libri Symbolici in succum sanguinemq; vel quasi legendo & disputando, vertantur) substernet. Nec in aliis exercitiis vel Theol., vel historicis, vel Disp. publicis, desideriiis (in quantum officia sua cætera concedent) Optimorum Studioforum deerit. Adspiret autem nostris conatibus Clementia divina!

JOH. PETR. GRUENENBERGIUS, D. In Publicis Lectionibus, sicut promisit, Zachariam Prophetam *exegeticè* pertractavit: prætereaq; ut tanto magis industriæ eorum, qui Verbum Dei amant, satisfaceret, reliquos etiam Prophetas à Nahumô usq; ad ultimum Malachiam exposuit, ut ita Duodecim Minores

Minores planè absolvantur, idq; methodo facili, & stylo perspicuo atq; ad hoc negotium accommodato. Quoniam autem superiore anno Danielelem, itemq; Jesaiam proposuit, itaq; ex Prophetis Majoribus solus Jerem. & Ezech. restat: in gratiam Studioforū Principium suæ Theologiæ primum rectè a stimantiū hos quoq; duos Prophetas *vi tradita sibi S. Exegetica* addere studebit in publicis suis horis. *Privatis in Lectionibus* è Tabulis suis Oeconomicis Biblicis Totum S. Codicem inculcat, atq; in aliis Canticum Canticorum exponit. Si qui fuerint, qui Tabulas ipsius Biblicas Genealogicas recenseri cupient, lubenter ipsis favebit, itemq; iis, qui privatis Disputationib⁹ per instantem primam anni quadrantem sese exercere cupient. Casuistico à quibusdam anxie desiderato non deerit, si conditio satis comoda locum invenerit. Meditatur de cætero Collegium Theologiæ Universale, inde à proximo Festo Paschæ, si Deus voluerit, per biennium ita absolvendum; ut omnes Theol. partes sine exceptione, per continuam seriem conjunctæ, intra dictum spatium feliciter pertractari, &, quid quicq; sciant, ipsi de die in diem & sentire, & judicare possint.

ZACHARIAS GRAPIUS, D. in Prælectionibus publicis Horâ IX. antemerid. ex Theologia Morali Jsaianâ, Deo vires clementissime concedente, explicabit doctrinam de Sanctitate & perfectione Christianâ. In lectionibus vero privatis absoluto Examine Theologiæ Irenicæ hodiernorum Reformationum, & alias Controversias recentissimas enodare studebit, in Biblicis etiam desideriis Auditorum suorum satisfacere allaborabit, nec non privatim in libros Symbolicos disputare incipiet.

HENRICUS ASCANIUS Engelsen, D. Deo juvante, in lectionibus publicis, Horâ II. pom. *Apologiam Augustanæ Confessionis* ita exponet, ut post cujuscunq; capitis analyse ea verba, circa quæ dubia movent adversarii, sit vindicaturus. Breviter in discursu, ubi opus erit, illa repetet, quæ circa ipsam A. Conf. Apologiæ fundamentum, hucusq; ore calamoq; exposuit. Sicut v. anno præterlapso Collegium B. Schomeri Anti-Calv. per dissertationes in id habitas publici juris fecit, duabus etiam aliis sub præsidio ejus habitis disputationibus, ita nunc quoq; Auxiliante divino Numine, Augustanam Confessionem *publicis diffu-*

rationibus in gratiam eorum, qui Respondentium pariter ac Opponentium vices sustinebunt, illustrabit. Privatim *Königium*, more solito, explanabit lectoriè pariter ac examinatoriè, additis etiam, pro lubitu Auditorum, brevissimis dictatis. *Controversias* cum *Reformatis* adductum Collegii *Anti Calv.* B. Schomeri pertractabit. *Disputatorium* Collegium, informandis in ipsa praxi Oppon. pariter ac Respondentibus destinatum, brevi iterum inchoabit. Iis deniq, qui in privatissimis lectionibus informatione ipsius utuntur vel usuri sunt, operam præstabit indefessam.

FACULTAS JURIDICA.

JOHANNES KLEIN, Cancellariæ Justit. & Consist. Duc. Director, Sereniss. Ducis Mekl. Reg. Consiliarius intimus Brunsim. Tract. de Processu Inquisitionis exponeret, sed cum ob absentiam impediatur, ej⁹ loco prædictum Tract. explicabit C. M. Müller. D.

MATTHIAS Stein/Codic. PP. Excell. Dn. Strykii Introd. ad praxin forens. publice exponet; privatim in explicando Dn. Titii specimine juris publici Romano-Germanici perget, etiam juris privati collegia Lectoria & Examinatoria jam cœpta continuabit.

JOH. JOACH. Schöpffer/ D. publicè materiam successio- nis ab intestato tractabit, privatim collegia, horis consuetis, matutinis & vespertinis, continuabit.

CASP. MATTH. Müller/ D. publicè explicabit D. Titii *deutsches Lehn-Recht*/ privatim verò in Collegiis Lectoriis & examinatoriis perget.

FACULTAS MEDICA.

JOH. ERNESTUS SCHAPER. D. Lectiones Publicas promittit in Chirurgiæ Barbettianæ cum notis celeberrimi Muys Partes duas Priores; Privatim autem continuabit tam in Medicis quam Physicis Collegiis, & speciatim Collegium Physicum Experimentale & Curiosum juxta demonstrationes suas in gratiam Auditorum editas variis novis experimentis augendas habebit.

GEORGIUS DETHARDING. Med. D. ejusdemq, ut & Mathemat. Superior. Professor Ducalis Publicus Ordinarius, publice regulas Diæteticas cuiusvis Hominum, in primis illis qui Literas tractant, salutares, & ad normam Temperamentorum insti-

instituendas exponet: privatim in exponendis fundamentis Medico futuro necessariis omnem porro operam collocabit, in quantum Deus vires concefferit.

WILHELM. DAVID HABERMANN, M.D. & P.P.O. publicè occasione Coalitarum Gemellarum, ex Hungaria hisce diebus ad nos allatarum, de harum & similium historiis, anatomiis, coalitionum causis probabilibus, & confectionariis inde deducendis aget. Privatim verò monstrabit desiderantibus *Usum Matheseos* in Medicina; & quidem inspecie *Medicina Hydrostatica principia*: hoc est: rationem ponderandi in Aquâ vel alio Liquidô, Fluida & Solida Corporis humani, diversas item Aquas, medicamina, Lapides pretiosos, Metalla. &c. quo exinde de humorum, Metallorum, mineralium &c. mixturis, adulterationibus & constitutionibus iudicium intimius ferri queat. Et porrò methodum ostendet ad prædictum utrum fabricandi Libram, à nullo autore descriptam, facillimo artificio & exiguis sumptibus parabilem, quæ centesimam, imò & longè minorem, unius grani partem monstret: cujus jugum cuspidi acutissimæ (fulcri loco, fere ad instar magneticæ acus) innitatur, quo machinæ mobilitas ab omni partium affricione immunis servetur: cujusque pondera, ex chalybeâ chordâ, (quolibet in musicis instrumentis utuntur) geometricè divisâ sint conficienda.

FACULTAS PHILOSOPHICA.

ALB. JOACH. à KRAKEVITZ. Theol. D. Catech. Christ. & Hebr. Lingv. Prof. Ducal. Publ. & Ord. propitio Summo Numine locolectionum publicarum, proponet nobiliores quæstiones Criticas circa textum Hebræum V. Ti. occurrentes & quidem hora VIII. usque ad IX. Privatim sollicitus erit, ut Lectissimam Studiosorum coronam ad frequentiore sacri Codicis evolutionem & scrutinium alliciat; quapropter Collegium aperiet Biblicum, in quo singulis diebus, per duas proxime semet invicem excipientes horas, versionem Lutheri à verbo ad verbum præleget, ita tamen, ut (1.) cujusvis libri dispositio attendatur. (2.) cujusvis Capitis contenta summariter, factis justis partitionibus, indicentur. (3.) Sensus Sp. Sancti genuinus juxta regulas

(3)

regulas

regulas hermenevticas eruatur. (4.) fontium præprimis habeatur ratio. (5.) in difficiliora loca annotationes calamo excipienda suppedientur. (6.) ubiuis ostendatur, quis fructus ex lectione Biblica tam respectu Theologiæ Theoreticæ quam Practicæ redundet, juxta estatum Paulinum 2. Tim. III. 16. Qui labor integrum requireret annum. Hac ratione Theologiam Biblicam pertractans non negliget Theologiam systematicam, quapropter Collegium promittit Examinatorium super Examen Theologicum Acroamaticum Theologi Dexterrimi Dn. M. Davidis Hollazii, sui olim in Lyceo Colbergensi Præceptoris Fidelissimi optimeq; meriti. Ex cujus libri assidua tractatione Auditoribus suis tanta pollicetur in studio Theologico incrementa, ut quovis momento rigosissimum sustinere queant Examen, quemadmodum Clariss. Dn. Commilitones latere haud potest, quanti hunc librum faciat subactioris judicii Theologus Dn. Fechtius noster. Adhæc sunt qui manuductionem desiderant in addiscenda Lingva Hebræa, quibus nequaquam deerit, potius juxta Optimum vel Wasmuthum præcepta fideliter exponet adjecta praxi analytica. Pro iis autem, qui in hac lingua aliquales jam fecerunt progressus paratus erit ad Collegium Lectorio expositivum in totum Codice V. T. Deniq; si privata desiderata fuerint Exercitia Disput., ex voluntate Dn. Studiosorū lubentissime instituet.

CHRISTIANUS HILDEBRANDT. Log. Prof. Ducal. Ord. Publ. & totius Univerf. SENIOR, in Disputat. Circularibus, Deo vitam & causario corpori vires gratiose largiente! perrecturus est. In publicis lectionibus Dn. Auditoris doctrinam syllogismorum profitebitur. Collegia privata petentibus promittit ad eorum lubidinem.

HENR. CHR. Zitelr. D. P. P. Ord. modum Themata & Argumenta inveniendi, disponendi, tractandi publice proponet, & cum primis Argumentorum amplificantium indolem & varietatem tradet. Nec deerit illis, qui Lectiones privatas expetunt.

M. JACOBUS BURGMAN. Græc. Lingv. Prof. Ord. Prælectionibus suis publicis per annum sequentem assistente divino Numine habendis destinavit egregiam Pauli Epistolam ad Romanos

manos scriptam ubi in vocum phrasiumq; enodatione sic ver-
 fabitur, ut emphases insigniores eruantur, non neglectis Lingvæ
 hujus in Novo Fœdere ἀρχαῖς idiotismis, aliisq; ad verum
 Scriptoris προῖδος sentum assequendum adminiculis utilibus.
 Privatum verò ad desideria DNN. Studioforum φιλελήνων vel
 fundamentalibus facili methodò inculcandis, vel etiam solidio-
 ribus ad intimiora Lingvæ hujus penetralia ducentibus propo-
 nendis operam promptam exhibebit.

M. PETRUS BECKER. Math. P. P. O. lectionibus publicis
 per instans semestre cum Deo habendis destinavit historiam
 totius Matheseos, exposituram & ortum & incrementa singu-
 larum disciplinarum, speciatim v. Astronomiæ, potentissimis
 hodie per orbem Principibus ad feliciora ipsius fata commen-
 datae, observationibusq; in remotissimis ab humano consortio
 orbis partibus promovendæ. Cuilibet etiam parti subjiciet ca-
 talogum celebriorum in eo scientiarum genere authorum. Pri-
 vatis tandem nonnullorum studiis, quantum per alterius officii
 labores licuerit, est satisfactorus.

J. H. SIBRAND. U. J. D. & Moral. Prof. Publ. Ord. Illustr. Pu-
 fendorffii libellum de Offic. Homin. & Civis, in lectionibus pu-
 blicis exponet: Privatum vero tam in Politicis, quam in Mora-
 libus prælectiones suas iterum inchoaturus. Illorumq; desi-
 deriis, qui in Philosophia Morali Collegia Disputatoria expeti-
 turi, semet haud subtracturus.

DAV. HENR. KOEPKENIUS, Philos. & Theol. Doct. & Hist.
 Prof. Duc. sollicitus inprimis erit, ne Historici studii amœnita-
 tem frustra à se quisquam requisiverit. Et publicis quidem horis,
 posteaquam superius Arianismi recensionem absolvit, expositio-
 nem duorum novissime præterlapsorum seculorum Historiam
 juxta doctum Venerab. Dn. Abbatis Schmidii in Hist. E. collato
 etiā Joh. Angel. Berniera Itali Compendio H. E. destinavit, univer-
 sum illud Schmidii compendium inter privatos parietes evolu-
 turus. In Theologia eam operam dabit, ut Domini Comilitones
 præter Königianas lectiones in compendio controversias potio-
 res cum Pontificiis, Reformatis, atq; Socinianis hauriant: quem
 in

in finem brevissimas theses singulis hebdomadibus examini subjiciendas exhibebit. Cui instituto exercitium quoddam Homileticum junget, & disputationes publicas, tum in Theologia, tum in Historia Meklenburgica unum alterumve pensum absoluturas. Philologica etiam non negliget progymnasmata & si qua porro e re DNN. Auditorum fore observabit, summa cum voluptate perficere concupiscet.

CAROLUS ARNDIUS, Prof. Poët. Publ. absolutis Prælectionibus scientiæ literariæ Pantosophicis & quidem *Pragmaticis*, Prælectiones communicabit, *scientia literaria Pantosophicas* & quidem *Isagogicas* quibus expositurus introductionem compendiarum atq; selectam ad Scriptores in omni scientiarum genere optimos & selectissimos eamq; quinque sectionibus, Theologicâ, Juridicâ, Medicâ, Philosophicâ, & Philologicâ circumscriptam, constipatamq; in singulis sectionibus triplici illo fundamento literario: (1.) Notabili de vita, fatis, & scriptis, Autoris momento. (2.) Genuino, de scripto commendato, judicio. (3.) Fidei fontis Historico-literarii subsidio. Communicabit itidem Prælectiones *Historico-Politicæ*, continentes Historiæ Politicæ compendiarium sensum, usibus Politicis instructum, duabus sectionibus inclusum, quarum Imma pandet Historiam Politicam *Imperiorum* eorumq; *Antiquiorum* & quidem Cardinalium, Babylonici, Persici, Græci & Romani quoad ortum, progressum, interitum, Synchronismum, memorabilium nervum & usum Politicum; Illa Historiam Politicam *Regnorum & Principatuum* eorumq; recentium hodieq; in Europa florentium quoad (1.) Regni & Principatus situm ambitum & Genium. (2.) memorabile ex Geographiâ momentum. (3.) Historicum ortus, progressus, defectus & reffectus summarium. (4.) Genealogicum Regum & Principum breviarium. (5.) modernum statum (6.) Scutum Heraldicum. (7.) Prætensionum scrutinium. (8.) Scriptorum selectum. (9.) axioma Politicum. Continuabit etiam reliquas Prælectiones Philosophicas atq; Exercitationes Academicas, usum Philosophiæ genuinæ in Theologiâ saluberrimum jucundissimâ quadam ac utilissimâ ratione subministrantes.

